

後
漢
書
疏
證

後漢書疏證卷十九

吳 沈欽韓撰

南陽郡

魏志劉表傳注蒯越佐劉表平定境內表得以强大詔書拜章陵太守趙儼傳太祖征荊州以儼領章陵太守

是漢季分南陽立章陵郡

顧景范曰章陵曹魏時省入蔡陽水經注魏黃初二年更

章陵爲安昌誤也西魏嘗置安昌郡并春陵縣于此蓋道元身後之事按晉志義陽郡有安昌縣道元自指以前之安昌也劉表傳所云荊州人知是也又晉志魏武帝平

荊州分南陽西界立南鄉郡州郡志晉武帝更名順陽

水經注漢建安中割南陽右壤爲南鄉郡逮晉封宣帝孫暢爲順陽王因立爲順陽郡而南鄉爲縣按地形志

形志言司馬
衍更名者非

又晉志魏文帝置義陽郡舊唐志申州義

陽縣漢平氏縣之義陽鄉魏分南陽立義陽元和志魏

文帝分平氏立後罷晉武帝復

宛

通典鄧州南陽縣漢宛縣縣南三十七里有小長安

元和

志魏代荊州都督所理精山在縣西北二十七里黃巾賊孫夏據宛城漢西鄉侯朱雋將兵擊破之走保精山水經注清水西爲爪里津水上有三梁謂之爪里渡自

宛道途東至堵陽西道方城阻橋卽桓溫故壘處桓溫

以升平五年與范汪眾軍北討所營又南逕宛城東大

城西南隅卽古宛城也荊州刺史治故亦謂之荊州城

魏志張繡傳領眾屯宛與劉表合南祖

南祖或疑是太祖

南征

軍清水繡等舉眾降太祖納濟妻繡恨之掩襲太祖太

祖軍敗二子歿

吳書曰繡降凌統用賈詡計乞徙軍就高道由太祖屯中又曰車少而重乞

得使兵各披甲太祖信繡皆聽之繡乃嚴兵入屯掩太祖營故敗

通鑑太安二年張昌

反劉喬屯汝南劉宏及前將軍趙驤平南將軍羊伊屯

宛昌并軍圍宛敗趙驤軍殺羊伊劉宏退屯梁永嘉四

年石勒將趣南陽王如侯脫嚴疑等聞之遣眾一萬屯

襄城以拒勒勒擊之盡俘其眾進屯宛北是時侯脫據

宛王如據穰如素與脫不協遣使重賂勒結爲兄弟說

勒使攻脫勒攻宛克之疑引兵救宛不及而降勒斬脫

囚疑道于平陽建興二年平南將軍荀崧鎮宛杜曾引

兵圍之崧兵少食盡欲求救于故吏襄城太守石覽晉書

列女傳誤將崧覽官位互易崧小女灌年十三帥勇士數十人蹈城

突圍夜出且戰且前遂達覽所又為崧書求救於南中

郎將周訪訪即遣子撫帥兵三千與覽共救崧曾乃遁

去水經注枋溪逕宛西呂城東四岳佐禹治水有功受封于呂徐廣史記音義曰呂在宛縣彪志則以為在

汝南新蔡

冠軍

通典鄧州臨湍縣漢冠軍縣元和志故城在水經注湍縣南四十里

水逕冠軍縣故城東縣本穰縣之盧陽鄉宛之臨駝聚

吳志韓當傳遷昭武將軍領冠軍太守按此爲晉書高
密王略傳京兆流人王適與叟人郝洛聚眾數千屯于
冠軍略遣參軍崔曠率將軍皮初張洛等討適爲適所
譎戰敗略更遣左司馬曹攄統曠等進逼適將大戰曠
在後退走攄軍無繼戰敗死之

葉

元和志汝州葉縣漢舊縣水經注醴水東南流逕葉縣
故城北楚盛周衰控霸南上欲爭強中國多築列城于
北方以逼華夏故號此城爲萬城或作方城縣南有方
城山楚國方城以爲城者也郭仲產記黃城山是長沮桀溺耦耕處魏志

李典傳劉表使劉備北侵至葉太祖遣典從夏侯惇拒
之備一旦燒屯去惇率諸軍追擊之典曰賊無故退疑
必有伏南道窄狹草木深不可追也惇不聽與于禁追
之惇等果入賊伏裏戰不利張郃傳司馬宣王治水軍
于荊州欲順沔入江伐吳詔郃督關中諸軍往受節度
會冬水淺大船不得行乃還屯方城

新野

通典鄧州新野縣漢舊縣

元和志魏代王昶爲荊州都督治此

水經注清

水南與湍水會南逕新野縣故城西晉咸寧二年封扶
風王駿少子歆爲新野郡公割南陽之棘陽蔡陽穰鄧

山都封焉

晉志不詳此事

棘水又南逕新野縣歷黃郵聚其聚

落爲蠻居猶名之爲黃郵蠻自新野縣南入于清水謂

之力口

魏收志云新野郡晉惠帝立按本傳歆太康中封新野縣公儀比縣王以誅趙王倫勳進封新

野郡王此魏志王昶傳假節都督荊豫諸軍昶以爲國

有常眾戰無常勝地有帶險守無常勢今屯宛去襄陽

三百餘里諸軍散屯船在宣池有急不足相赴乃表徙

治新野習水軍于三州

按三州當即江陵之三湘胡三省謂荊豫揚三州之口臆說

諸葛誕反昶據夾石以逼江陵持施績全熙使不得東

誕既誅詔曰昔孫臏佐趙直湊大梁西兵驟進亦所以

成東征之勢也

按夾石有三一在壽春晉將胡彬所保一在廬江曹休敗處此當在江陵界隋

志南郡紫陵縣有夾石山吳志潘璋到臨沮注夾石王應麟以為即淮南之硤石者誤通鑑咸和

七年太尉陶侃遣其子平西參軍斌及南中郎將桓宣

乘虛攻樊城悉俘其眾兄子臻及竟陵太守李陽攻新

野拔之趙將郭敬遁去據班志則前志之新都省入新野水經注亦引郡國志以為新

野之東鄉故新都賈復傳南擊秦豐拔黃郵章懷又以為在南陽新都縣新都蓋新野之誤

章陵

元和志章陵縣故城在隨州棗陽縣東南三十里水經

注沔水又東合洞口水出安昌縣故城東北太父山西

南流謂之白水縣故蔡陽之白水鄉漢元帝分白水上

唐二鄉為春陵縣光武改為章陵縣置園廟焉魏黃初

二年更從今名故義陽郡治水北有白水陂其陽有漢光武故宅蘇伯阿望氣處也

劉昭于此縣注有襁脫當是據王常傳下江兵

西鄂

通典鄧州向城縣漢西鄂縣

元和志故城在縣南二十里豐山在縣南三十二里

有九鐘霜降則鳴

水經注涪水東南逕西鄂縣故城東洱水注

之水北有張平子墓墓之東側有碑悉是古文篆額是崔瑗之辭盛宏之郭仲產並云夏侯孝若爲郡薄其文復刊碑陰爲銘魏志杜襲傳太祖以爲西鄂長會荊州出步騎來攻城襲悉召縣吏民任拒守者五十餘人與之要誓其親戚在外欲自營護者悉聽遣出皆叩頭願

致死臨陣斬百級襲眾死者三十餘人其餘十八人盡
被創賊得入城襲帥傷夷吏民決圍得出九州春秋曰時南陽功曹
柏孝長亦在城中聞兵攻聲恐懼入室閉戶牽被覆頭
相攻半日稍敢出面其明側立而聽二日往出戶問消
息至四五日乃更負楯親
關語子緒曰勇可習也

雉

其地當在唐汝州魯山縣西南地形志加北字

胡三省曰當在

唐鄧州向城縣界

水經注清水東南流厯雉縣之衡山東逕百

章郭北魯陽關水注之西南逕雉縣故城南昔秦文公
之世有伯陽者逢二童曰胥曰被二童二雉也得雉者
霸得雄者王二童翻飛化爲雙雉光武獲雉于此山以

爲中興之祥前燕載記晉南陽督護趙宏以宛降于暉
暉遣其南中將趙盤自魯陽戍宛晉右軍將軍桓豁攻
宛拔之趙盤退奔魯陽豁遣輕騎追盤及于雉城大戰
敗之執盤戍宛而歸

魯陽

元和志汝州魯士縣本漢魯陽縣魯陽關水俗謂之三
鵝水水逕縣西七里其關三鵝鎮在縣西南十九里後
周置以禦高齊亦名平高城魯城在縣東北十七里高
齊置以禦周通典北重山水經注作百章此應誤在鄧州向城縣
北卽是三鵝之第一又北分嶺山嶺北卽三鵝之二其

第三稿在魯山縣界水經注汝水西出魯陽縣之大孟
山蒙柏谷西卽盧氏界也東北流逕太和城西又東屆
堯山西嶺下水流兩分一水東逕堯山南爲漁水一水
東北出爲汝水自狼臯山東出峽謂之汝阨也又魯陽
關水出魯陽縣南分水嶺南水自嶺南流北水從嶺北
注故世俗謂此嶺爲分頭也其水南流逕魯陽關左右
連山插漢秀木干雲亦司馬芝與母遇賊處見魏志吳本傳
志孫堅前到魯陽與袁術相見術表堅行破虜將軍領
豫州刺史遂治兵于魯陽城當進軍討卓遣長史公仇
稱將兵從事督促軍糧施帳幔于城東門外祖道送稱

卓遣步騎數萬人逆堅輕騎數十先到堅方行酒談笑
敕部曲整頓行陣無得妄動後騎漸益堅徐罷坐道引
入城乃謂左右曰向堅所以不卽起者恐兵相蹈藉諸
君不得入耳卓兵見堅士眾甚眾不敢攻城引還通鑑
興寧三年燕以吳王垂爲荊州牧鎮魯陽太元八年竟
陵太守趙統攻襄陽秦荊州刺史都貴奔魯陽將軍劉
春攻魯陽都貴奔還長安

桓沖傳作郝貴按水經注

牛蘭山襄宇記秦龍城在汝州龍興縣東南五十里據

此則有牛蘭山亦有劉累亭彪志但云牛蘭累亭蓋有

雙

通典犇縣故城在魯山縣東南水經注湛水出犇縣北
魚齒山西北東南流歷魚齒山下爲湛浦方五十餘步
山有長阪蓋卽湛水以名阪又漁水東經犇縣故城北
犇水注之漢高祖入關破南陽太守呂齮于犇東卽于
是地漁水之陰也

堵陽

通典唐州方城縣漢堵陽縣水經注堵水又東逕方城
亭南東北歷嶠山下而北逕堵陽縣南北流注于漢謂
之堵口又云堵水南流逕小堵鄉謂之小堵水祭遵引
兵南擊董訢于堵鄉以水氏縣故有堵陽之名

舊唐志
云後漢

改為順陽者誤

博望

元和志漢博望縣故城在鄧州向城縣東南四十五里水經注清水東南流逕博望縣故城東郭仲產曰在郡東北百二十里蜀志先主屯新野劉表使拒夏侯惇于禁于博望先主設伏兵一旦自燒屯僞遁惇等追之爲伏兵所破按此與李典傳應是一事

舞陰

通典漢舞陰縣故城在今唐州泌陽縣北

元和志漢舞陰縣故城在

唐州比陽縣西北六十五里寰宇記泌陽縣漢舞陰縣地與通典同滎水于濩陰縣北左

會灋水故城在山之陽漢以為陽山縣

漢晉志皆無汝地
形志舞陰縣

有橫山

魏武與張繡戰于宛馬名絕景為流矢所中公傷

右臂引還灋陰即是地也魏志于禁傳是時軍亂各聞
行求太祖禁獨勒所將數百人且戰且引雖有死傷不
相離虜追稍緩禁徐整行隊鳴鼓而還

比陽

通典唐州比陽縣漢舊縣水經注太胡山在比陽縣北
如東三十餘里廣圓五六十里余以延昌四年蒙除東
荊州刺史州治比陽縣故城比水右會馬仁陂水水出
灋陰北山泉流競湊水積成湖蓋地百頃謂之馬仁陂

復陽

按其地當入併唐州平氏縣水經注淮水潛流地下三十許里東出桐柏之大復山南謂之陽口水南卽復陽縣闕駟言湖陽之樂鄉也元帝元延二年置桐柏大復山之陽山南有淮源廟廟前有碑是南陽郭苞立又二碑並是漢延熹中守令所造

隸釋云今在唐州

彪志云有杏聚

按岑彭傳許邯起杏彭破杏降許邯者是也

平氏

通典唐州平氏縣漢舊縣元和志桐柏縣漢平氏縣東又界申州義陽縣漢平氏縣有澠水南齊志泰始中立

司州于義陽郡有三關之隘北接陳汝控帶許洛自此
以來常爲邊鎮水經注澧水西北流逕平氏縣故城東
北城內有南陽都鄉正衛彈勸碑又淮水東逕義陽縣
縣南對成固山義陽郡治世謂之白茅城其城圓而不
方關駟言晉太始中割南陽東鄙之安昌平林平氏義
陽四縣置義陽郡于安昌城晉書劉喬傳喬遣子祐拒
東海王越劉琨自滎陽率兵迎越遇祐眾潰見殺喬眾
遂散與五百騎奔平民祖逖傳逖致妻孥汝南大木山下元和志大木山在桐柏縣東北五十九里桓立傳魏詠之劉藩破桓石綏于白茅朱書向靖傳與劉藩孟龍符征破桓石康石綏于白茅

棘陽

通典後漢棘陽縣故城在今唐州湖陽縣北水經注黃水逕棘陽縣之黃澶聚又謂之黃澶水謝沈後漢書甄阜等敗光武于小長安乘勝南渡黃澶水前營背阻兩川臨比水絕後橋示無還心漢兵擊之三軍潰溺死黃澶水者二萬人

湖陽

舊唐志唐州湖陽縣漢縣水經注湖陽東隆山西側有漢日南太守胡著碑子珍騎都尉尙湖陽長公主卽光武之伯姊廟北有石堂珍之立孫桂陽太守瑒以延熹四年遭母憂于墓次立石祠勒銘于梁石盛宏之以爲

樊重之母畏雷室蓋傳疑之謬通鑑建安二年曹操復
攻張繡拔湖陽禽劉表將鄧濟又攻舞陰下之

隨

通典隨州隨縣漢舊縣元和志隨州光化唐城二縣皆

漢隨縣地又安州應山縣漢隨縣地梁分隨縣置永陽

縣開皇十八年改

按南齊志已有永陽李氏始末審

澧山關卽齊志所

謂武陽關也在縣東北一百三十里百鴈關在縣北九

十里東至澧山關一百里平靖關在縣北六十五里東

至百鴈關一百六十里水經注澧水出隨縣西北黃山

澌水出桐柏山之陽東南逕澌西縣西注于澧

沈志作澌西晉

志誤以西字屬下平氏縣通鑑考異遂謂晉有西平
氏縣非也隋志唐城縣後魏曰瀛西魏改爲下差
水側有斷蛇丘魏書元英傳詔英南越義陽將取三關
關兩關不待攻而定攻難不如攻易東關易攻宜須先
取乃使長史李華率五統向西關分其兵勢身率諸軍
向東關衍遣其冠軍將軍彭食生等援武陽英乃緩軍
日縱之使入此城吾觀其形勢易攻耳諸將未之信食
生等既入武陽英促攻之六日而廣等降進擊黃峴太
子左衛率李元履奔城奔又討西關衍司州刺史馬仙
碑亦卽退走按黃峴關
卽元和志之百雁關

育陽

寰宇記後漢清陽縣城在今鄧州南陽縣南水經注清
水南入清陽縣逕小長安縣故南陽典農治後以爲清
陽郡省郡復縣此當是省典農復爲縣避晉簡文諱更名雲陽地形

志司馬昌明改
育陽曰云陽

清水又逕安樂郡北漢桓帝建和元年

封司徒胡廣爲安樂鄉侯今于其國立樂宅戊郭仲產
襄陽記曰南陽城九十里有晉樂廣故宅其故居今置
戊

涅陽

通典鄧州穰縣亦漢涅陽縣地

隋志課陽舊曰涅陽

水經注涅水

出涅陽縣西北岐棘山寰宇記馬圈鎮在穰縣北後魏

立爲鎮卽漢涅陽縣地齊大將陳顯達攻圍四十餘日

不下而退卽此

南齊書陳顯達傳永元元年督平北將軍崔慧景眾軍四萬圍南鄉界馬圈鎮

城去襄陽三百里攻之四十日虜食盡賊死人肉及樹皮外圍旣急虜突走斬獲千計官軍競取城中絹不復

追顯達入據其城樂通鑑永嘉四年征南將軍山簡遣
史蓋未攻齊蓋書也督護王萬將兵入援軍于涅陽爲王如所敗晉書王如
傳時諸流人有詔並遣還鄉里如以關中荒殘不願歸
征南將軍山簡南中郎將杜蕤各遣兵送之促期令發
如遂潛結諸無賴少年夜襲二軍破之杜蕤悉眾擊如
戰于涅陽蕤軍大敗山簡不能禦移屯夏口

陰

通典漢陰縣城在襄州穀城縣北水經注沔水又東南
逕陰縣故城西縣令濟南劉熹字德怡魏時宰縣雅好
博古教學立碑載生徒百有餘人不終業而天者因葬

其地號曰生墳

蘇釋有立儒先生龔壽碑南陽隆人隆當爲陰字之訛

鄧

通典漢鄧縣故城在襄州穀城縣東北水經注縣治故城南臨沔水謂之鄧頭蕭何侯國薛瓚曰今南鄉鄧頭是也茂陵書曰在南陽通鑑咸和元年趙將黃秀等寇鄧順陽太守魏該率眾奔襄陽晉書殷仲堪傳仲堪急告楊佺期佺期率眾赴之直濟江擊桓玄爲玄所敗走還襄陽仲堪出奔鄧城爲玄追兵所獲

鄧

元和志襄州臨漢縣本漢鄧縣地卽古樊城西魏立安

養縣天寶元年改爲臨漢縣縣城南臨漢水魏將軍曹
仁據樊蜀將關羽圍樊使于禁龐德救之會漢水暴漲
羽以舟師攻禁遂降羽龐德瞋目不屈羽殺之鄧塞
故城在縣東南二十二里南臨宛水阻一小山號曰鄧
塞昔孫文臺破黃祖于此山下魏常于此裝治舟楫以
伐吳陸士衡表稱江漢之卒浮鄧塞之舟謂此
吳志初平三年
袁術使堅征劉表表遣黃祖
逆于樊鄧之間堅擊破之
水經注清水又合濁水上
承白水于朝陽縣東南流逕鄧縣故城南習鑿齒襄陽
記曰楚王至鄧之濁水去襄陽二十里卽此水也濁水
又東逕鄧塞北卽鄧城東南小山也又汚水逕平魯城

南魯宗之所築也故城得厥名東對樊城城周四里南

半淪水

九域志襄州穀城縣有鄧塞鎮

魏志徐晃傳遣晃助曹仁討關

羽賊屯偃城晃到詭道作都塹欲截其後賊燒屯走晃得偃城兩面連營稍前去賊圍三丈所未攻太祖後遣殷署朱蓋等凡十二營詣晃賊圍頭有屯又別屯四冢晃揚聲當攻圍頭屯而密攻四冢羽見四冢欲壞自將步騎五千出戰晃擊之退走遂陷追與俱入圍破之或自投沔水死晉書劉宏傳初成都王穎南奔欲之本國私拒之及宏卒宏司馬郭勸欲推穎爲主宏子璠追遵宏志墨經率府兵討勸戰于濁水斬之庾翼傳胡賊五

六百騎出樊城翼遣冠軍將軍曹掾追擊于撓溝北破
之石勒載記勒監軍將軍郭敬南陽校尉董幼寇襄陽
勒馳敕敬退屯樊城戒之使偃藏旗幟寂若無人彼若
使人觀察則告之曰自愛堅守後七八日大騎將至相
策不復得走矣敬使人洛馬于津周而復始晝夜不絕
偵諜遂告南中郎將周撫以爲勒軍大至懼而奔武昌
敬投襄陽遷其百姓于沔北城樊城以戍之郭敬南掠
江西晉南中郎將桓宣承虛攻樊城敬旋師救樊追戰
于涅水敬前軍大敗宣亦死傷大半遂南取襄陽通鑑
正始
二年朱然圍樊太傅懿曰相中民都十萬隔在水南流
離無主樊城被攻歷月不解此危事也請自討之吳軍

聞之夜遁追至三
州口大獲而還

山都

通典山都縣故城在今襄州義清縣東南

隋志後周廢山都樊城二

縣入襄陽

水經注沔南有固城城側沔川卽山都縣治也舊

南陽之赤鄉矣沔北有和城郡國志所謂武當縣有和城聚山都縣舊嘗治此亦謂是處爲故縣灘魏志韓暨傳避袁術命召徙居山都山晉書張昌傳昌據江夏造妖言云當有聖人出山都縣吏丘沈遇于江夏昌名之爲聖人盛車服出迎之立爲天子

元和志鄧州菊潭縣本縣漢酈縣武陶戍之地隋志菊潭縣舊曰酈水經注湍水逕酈縣故城東南菊水注之水出西北石澗芳菊溪源旁悉生菊草潭澗滋液極成甘美又郭仲產曰酈縣故城在支離山東南酈有二城北酈也

校水經注云後魏析置南北酈湍水逕南酈城東清水逕北酈城北

穰

通典鄧州穰縣漢穰縣地水經注湍水又逕穰縣爲六門陂漢孝元之世南陽太守邵信臣以建昭五年斷湍水立穰西石碣至元始五年更開三門爲六石門故號六門場也溉穰新野昆陽三縣五千餘頃漢末毀廢晉

太康三年鎮南將軍杜預復更開廣利加于民有六門
碑湍水又東南逕魏武故城之西南是曹操攻張繡之
所築也通鑑建安三年曹操將復擊張繡荀攸曰繡與
劉表相恃爲強然繡以遊軍仰食于表表不能供也勢
必乖離不如緩軍以待之可誘而致也若急之其勢必
相救操不從圍繡于穰會袁紹亡卒詣操曰田豐勸紹
襲操解穰圍而還魏志賈詡傳太祖一朝引軍退繡自
追之詡謂繡曰不可追也追必敗繡不從進兵交戰大
敗而還詡謂繡曰促更追之更戰必勝繡謝曰不用公
言以至于此今已敗奈何復追詡曰兵勢有變亟往必

利繡遂收散卒赴追果以勝還繡問詡詡曰此易知耳將軍雖善用兵非曹公敵也軍雖新退曹公必自斷後追兵雖精將既不敵彼士亦銳故知必敗曹公攻將軍無失策力未盡而退必國內有故已破將軍必輕車速進縱留諸將斷後諸將雖勇亦非將軍敵故雖用敗兵而戰必勝也繡乃服

朝陽

通典漢朝陽縣故城在鄧州穰縣東南今謂之朝城

章懷

汪無東字

水經注朝水東南分爲二水一水枝分東北爲樊

氏陂陂東西十里南北五里俗謂之凡亭陂陂東有樊

氏故宅朝水東逕朝陽故城北而東南注于清水

蔡陽

通典隨州棗陽縣後漢蔡陽縣光武舊宅在今縣南二

里

元和志在
東三十五

水經注沮水出蔡陽縣東南太洪山山

在隨郡西南竟陵東北槃基所跨廣圓百餘里峰曰懸

鉤處平原眾阜之中爲諸嶺之秀宋書沈慶之傳伐沔

北諸山蠻宗慙自新安道入大洪山柳元景從均水據

五水嶺馬文蒸出蔡陽口取赤係塢王景式由延山下

向赤圻坡崔目連魯尙期諸軍八道俱進慶之取五渠

頓破鵠爲鳳軍節度前後伐蠻皆山下安營以迫之故

得据山爲阻于矢石有用以是屢無功慶之乃會諸軍于茹丘山下謂眾曰今若緣山列旆以攻之則士馬必損去歲蠻田大稔積穀重巖未有饑弊卒難禽翦今令諸軍各率所領以營于山上出其不意諸蠻必恐恐而乘之可不戰而獲於是諸軍並斬山開道不與蠻戰鼓譟上山衝其腹心先據險要諸蠻震擾因其懼而圍之莫不奔潰

安眾

按其地當在唐鄧州南陽縣章懷注故城在鄧州東水經注湍水自向牛邑南

章懷注在鄧州東逕安眾縣故城南縣

本苑之西鄉涅水逕安眾縣場而爲陂謂之安眾港通鑑建安三年劉表遣兵救張繡屯于安眾守險以絕軍後操與荀彧書曰到安眾破繡必矣及到安眾操軍前後受敵操乃夜鑿險夜遁表繡悉軍來追操縱奇兵步騎夾攻大破之或問操前策賊必破何也操曰虜遏吾歸師而與吾死地吾是以知勝矣

筑陽

元和志襄州穀城縣漢爲筑陽縣

通典筑陽距鄧三十里

隋志梁

筑陽開皇初廢入穀城水經注筑水逕筑陽故城南注于沔謂之筑口又粉水至縣西注沔水謂之粉口桓沖

傳冠軍將軍石虔等伐苻堅拔筑陽

武當

通典均州武當縣漢舊縣有古塞城在縣北戰國時楚

築以備秦

元和志後漢初延岑起兵于此後遂空廢水
宋元嘉末移縣理延岑城貞觀中置均州

經注沔水東南逕武當縣故城東又東曾水注之水導

源縣南武當一曰太湖山荊州圖副記曰山形特秀異

于眾嶽峰首狀博山香爐亭亭遠出藥食延年者萃焉

曾水東北流注于沔謂之曾口苻秦載記堅遣尙書令

苻丕步騎七萬寇襄陽使楊安將樊鄧之眾爲前鋒屯

騎校尉石越率精騎二萬出魯陽關慕容垂及姚萇出

自南鄉苟池等將勁卒四萬從武當繼進大會漢陽通鑑太元八年桓沖帥眾十萬伐秦鷹揚將軍郭銓攻武當沖別將攻萬歲筑陽拔之秦兖州刺史張崇救武當銓及冠軍將軍桓石虔敗張崇于武當掠二千戶以歸晉書周訪傳杜曾大潰訪夜追之諸將請待明日訪曰曾驍勇能戰向之敗也彼勞我逸是以克之宜及其衰乘之可滅鼓行而進遂定漢沔曾等走固武當

順陽

通典漢順陽縣故城在今鄧州穰縣西水經注均水南逕順陽縣西漢哀帝更爲博山縣明帝復曰順陽縣西

有石山南臨均水水南流注于沔謂之均口晉書桓溫傳溫統步騎四萬伐江陵水軍自襄陽入均口至南鄉步自淅川以征關中通典建興三年杜曾將趨順陽下馬拜陶侃告辭而去太元四年秦將軍慕容越拔順陽執太守丁穆堅欲官之穆固辭不受

成都

前志無此名地無攷

襄鄉

通典漢襄鄉故城在隨州棗陽縣東北元和志後漢分

蔡陽在襄鄉縣周改爲廣昌

隋志棗陽舊曰廣昌

水經注澧水出

襄鄉縣東北陽中山西逕襄鄉縣之故城北

南鄉

隋志浙陽郡有南鄉縣入唐當廢入鄧州內鄉縣也

新舊

唐志俱失載所廢時

水經注丹水南逕南鄉縣故城東北又東逕

南鄉北興寧太守王靡之改築今城城北半據在水中

左右夾澗深長及春夏水漲望若孤洲城前有晉順陽

太守丁穆碑郡民范甯立之丹水逕流兩縣之間歷於

中之北所謂商於者也

通典按荊州圖今內鄉縣東七里於村蓋昔商於地於中卽此

通鑑太元元年秦兵冠南鄉拔之山蠻三萬戶降秦

丹水

通典漢丹水縣故城在今鄧州內鄉縣西南寰宇記縣西一百三

十里水經注丹水東南逕一故城南名曰三戶城昔漢祖

入關王陵起兵丹水以歸漢此城疑陵所築又逕丹水

縣故城西南縣有密陽鄉虎志誤為章密鄉又黃水北出芬山

黃谷南逕丹水縣水有墨山山石悉黑隋志南鄉縣有石墨山丹水縣

有胡晉書杜預傳曾致箋于平南將軍荀崧求討丹水

賊以自效崧納之陶侃遺崧書曰杜預凶狡所將卒皆

豺狼此人不死州土未寧通鑑建元二年征西將軍庾

翼使梁州刺史桓宣擊趙將李羆于丹水為羆所敗貶

宣為建威將軍

析

舊唐志鄧州內鄉縣漢析縣地水經注丹水東南流入
曰口歷其戍下又東南析水出盧氏縣大嵩山南流逕
修陽縣故城北縣卽析之北鄉又東入析縣流結成潭
謂之龍淵隋志後周并龍泉縣入南鄉析水入丹水會均有析口之
稱宋書柳元景傳魯方平薛安都龐法起進次白亭入
自修陽亭出熊耳山大軍次曰口以前鋒深入懸軍無
繼馳遣尹顯祖入盧氏以爲軍援按彪志有豐鄉城通鑑永和九年秦遣平昌王菁略定上洛置荊州于豐陽川以步兵校尉郭敬爲刺史太元五年移洛州刺史治豐陽八年洛州刺史張五虎據豐陽來降其地與商州豐陽縣分界

陵之北對大岸謂之江津口江水又東得豫章口夏水

馬頭所通也西北有豫章岡

劉毅傳毅因率何無忌劉道規等諸軍破馮該于豫章口摧鋒

而進遂入江陵通鑑義熙六年徐道覆率眾三萬趣江陵奄至破冢人情大震江漢士民感劉道規焚書之恩無復貳志道規使劉遵別為遊軍自拒道覆于豫章口前驅失利道自外橫擊大破之斬首萬餘級道覆單舸走還湓口初道規使劉遵為遊軍眾咸以為強敵在前惟患眾少不應分割見力置無用之地及破道覆卒得遊軍之力又沔水東南與揚口合水上承江陵縣赤湖眾心乃服又沔水東南與揚口合水上承江陵縣赤湖晉書杜預傳舊水道惟沔漢達江陵千數百里無道路又巴丘湖沔之會預乃開揚口起夏水達巴陵千餘里內瀉長江之險外通零桂之漕江陵西北有紀南城城西南有赤坂岡岡下有瀆水注于龍陂古天井水也廣圓二百餘步在靈溪東陂水逕郢城南東北流謂之揚水又東北路

白湖水注之北逕方城西即南蠻府也宋元嘉中通路

白湖下注揚水以廣運糧揚水又東北與柞溪水合水

出江陵縣北通鑑義熙元年魯宗之擊破桓東流逕魯

宗之壘南當驛路水上有大橋隆安三年桓玄襲殷仲

堪于江陵仲堪北奔縊于此橋殷仲堪傳立逼令柞溪

東注船官湖湖水又東北入女觀湖東入于揚水通鑑

元年王虞將赴荊州留長史劉峻鎮揚口壘竟陵內史

朱伺謂虞曰曾猶賊也外示屈服欲誘官軍使西然後

兼道襲揚口耳宜大部分駐未可便西虞以伺為怯遂

西行曾等果還趣揚口虞乃遣伺歸裁至壘即為曾所

圍曾攻陷北門伺被傷退入船開船底以出沈行五十

步乃得免趙誘朱軌及陵江將軍黃峻與曾戰于女觀

湖誘等皆敗死曾乘勝徑造沔口威震又江津豫章口

江沔又江水篇江陵城楚船官地也

東有中夏口是夏水之首江之汜也屈原所謂過夏首而西浮顧龍門而不見也龍門郢城東門也吳志朱然傳魏遣曹真夏侯尚張郃等攻江陵魏文帝自住宛爲其外援權遣將軍孫盛督萬人備州上爲然外援張郃渡兵攻盛盛不能拒卽時卻退郃據州上圍守

吳主傳曹真分

軍據江陵中州中州卽百里洲也

然中外斷絕城中兵多腫病堪戰者

裁五千人魏攻圍凡六月日未退江陵令姚泰領兵備城北門見外兵盛謀爲內應垂發事覺然治戮泰尚等不能克乃徹攻退還由是然名震于敵國潘璋傳魏將夏侯尚等圍南郡分前部三萬人作浮橋渡百里州上

諸葛瑾楊榮並會兵赴救未知所出璋曰魏勢始盛江

水又淺未可與戰便將所領到魏上流五十里伐葦數

百萬束縛作大筏欲順流放火燒敗浮橋

諸葛瑾傳注潘璋等作水

城于上流瑾進攻

作筏適畢伺水長當下尙便引退

魏志

董昭傳夏侯尚等攻江陵未拔時江水淺狹尙欲乘船將步騎入渚中安屯作浮橋南北往來議者多以爲城必可拔昭上疏曰武皇帝智勇過人而用兵畏敵不敢輕之若此也夫兵好進惡退常然之數平地無險阻尙猶艱難就當深入還道宜利今屯渚中至深也浮橋而濟至危也一道而行至狹也三者兵家所忌而今行之如江水向長一旦暴增何以防禦就不破賊尙當自完奈何乘危不以爲懼帝晤昭言卽詔尙等促出賊兩頭並進官軍一道引去不時得泄將軍石建高遷僅得自免軍去旬日江水暴長帝曰君論此事何其審也施績傳拜平魏將軍樂鄉督魏征南將軍王昶率眾攻江

陵城不克而退績與奮威將軍諸葛融書曰昶遠來疲困馬無所食力屈而走此天助也今追之力少可引兵相繼吾欲破之于前足下乘之于後宜同斷金之義融答許績績便引兵及昶于紀南紀南去城三十里績先戰勝而融不進績後失利權深嘉績盛責怒融昶傳陵兩岸引竹柱爲橋渡水擊之賊奔南岸鑿七道並來攻于是昶使績弩同時俱發賊大將施績夜遁人江陵城追斬數百級昶欲引平至平地與台戰乃先遣五軍按大道發還使賊望見以喜之以所獲鎧馬甲首馳環城以怒之設伏兵以待之績果追軍與戰克之按合兩傳觀之昶欲引至平地與戰卽施績所謂力屈而走欲與諸葛融前後共追之事一則以爲昶之計算通鑑義一則以爲績之審勢蓋績事爲實昶乃虛詞

熙八年劉熙至江陵裕罪狀毅以王鎮惡爲振武將軍

與龍驤將軍蒯恩將百舸前發裕戒之曰若賊可擊擊之不可者燒其船艦留屯水際以待我于是鎮惡晝夜兼行揚聲言劉兖州上鄒僧施勸殺請從弟鎮惡至豫章口去江陵城二十里捨船步上蒯恩軍居前鎮惡次之舸留一二人對舸岸上立六七旗下置鼓語所留人計我將至城便鼓嚴令若後有大軍狀又分遣人燒江津船艦鎮惡逕前襲城有問者云劉兖州至津戍及民間皆晏然不疑未至城五六里逢毅要將朱顯之欲出江津問劉兖州何在軍士曰在後顯之至軍後不見藩而見軍人擔彭排戰具望江津船艦已被燒鼓嚴之聲

甚盛知其非藩上便躍馬馳去告毅行令閉諸城門鎮惡亦馳進門未及下關軍人因得入城自食時至中晡城內人敗散鎮惡穴其金城而入毅與司馬毛修之等督士卒力戰城內人猶未信裕自來人情離駭逮夜聽事前兵皆散夜半毅帥左右三百許人開北門突出投牛牧佛寺縊死義熙十一年荊州刺史司馬休之上罪表狀裕勒兵拒之裕使其壻振威將軍徐達之統參軍蒯恩王允之沈淵子爲前鋒出江夏口達之等與魯軌戰于破冢兵敗達之允之淵子皆死裕軍于馬頭聞達之死怒甚帥諸將濟江魯軌司馬文思將兵四萬臨峭

岸置陣軍士無能登者建武將軍胡藩以刀頭穿岸劣容足指騰之而上隨之者稍多既登岸直前力戰休之兵不能當稍引卻裕引兵而乘之休之兵大潰遂克江陵休之宗之俱北走桓玄傳玄進至揚口敗仲堪弟子道護乘勝至零口去江陵二十里通鑑義熙元年桓振自郢城襲江陵刺史司馬休之戰敗奔襄陽建威將軍劉懷肅自雲杜引兵馳赴與振戰于沙橋劉毅遣廣武將軍唐興助之臨陣斬振復取江陵宋書謝晦傳雍州刺史劉粹遣其弟竟陵太守道濟與臺軍主沈攸之襲江陵至沙橋晦司馬周超與戰大破之

巫

舊唐志夔州巫山縣漢巫縣隋加山字又歸州巴東縣

漢巫縣地吳分巫縣立沙渠縣

州郡志沙渠縣晉起居注太康元年立按沙渠

是吳建平所領不應平吳方立

水經注烏飛水出天門郡淩中縣界北

流逕建平郡沙渠縣南又北流逕巫縣南西北歷山道

二百七十里注于江謂之烏飛口吳孫休建平郡治巫

城城緣山爲墉周十二里一百十步東西北三面皆帶

傍深谷南臨大江故夔國也又巫溪水南有鹽井井在

北井縣北

按北井泰昌俱晉所有亦巫縣地

建平一郡之所資也鹽水

下通巫溪水東逕巫峽又東逕石門灘灘北岸有山

上合下開緣江步路所由劉備爲陸遜所破走逕此門

追者甚急備乃燒鎧斷道孫桓爲遜前驅奮不顧命斬

上夔道

按吳志作兜道

截其要徑備踰山越嶺僅乃得免忿恚

而歎曰吾昔至京

周瑜傳備詣京見權在

桓尙小兒而

今追孤乃至於此蜀志章武元年帥諸軍伐吳吳將陸

議李異劉阿等屯巫秭歸將軍吳班馮習自巫攻破異

等李雄載記以李壽爲大將軍督征南費黑征東任祀

攻陷巴東太守楊謙退保建平壽別遣費黑攻建平晉

巴東監軍毋丘奧退保宜都通鑑永嘉四年氏苻陳隗

文復叛自宜都趣巴東建平都尉暴重討之重因殺韓

松自領三府事

三府蓋巴東監軍益州刺史西戎校尉也通典施州清江建始二縣皆漢巫縣

也

秭歸

通典歸州秭歸縣漢舊縣吳置建平郡在此鎮太清鎮

在縣東南八十里吳置以備蜀居三峽要衝塞山蠻之

路隋于此置鎮

此句照地理通釋增又吳置下

寰宇記

歸州興山縣本秭縣地吳景帝永安三年分秭歸縣之

北界立爲興山縣隋廢之武德初又置

舊唐志武德三年分秭歸置貞

觀十七年移治太清鎮

又夔州大昌縣本漢巫秭歸二縣地輿地

志晉太康元年分置建始縣後改爲大昌縣

按晉志建平郡有泰

昌建始二縣當是後來併入大昌州郡志何承天云故屬秭歸吳分

水經注縣城東北依

山卽阪周迴二里高一丈五尺南臨大江古老相傳謂

之劉備城蓋備征吳所築也縣東北數十里有屈原舊

田宅雖畦堰縻漫猶保曲田之稱縣北一百六十里有
屈原故宅累石爲室名其地曰樂平里丹陽城據山跨
阜周八里二百八十步峻峭壁立楚子熊繹始封丹陽
之所都晉書王濬傳太康元年發自成都率巴東監江
軍唐彬攻吳丹陽克之擒其丹陽監勝紀江
水又東逕歸鄉縣故城北縣城南面重嶺北背大江東
帶鄉口溪蜀志注獻帝春秋曰孫權欲與備共取蜀遣
孫瑜率水軍住夏口備欲自圖蜀不聽軍過謂瑜曰汝
欲取蜀吾當被髮入山不失信于天下也使關羽屯江
陵張飛屯秭歸權知備意因召瑜還吳志陸遜傳秭歸
大姓文布鄧凱等各夷兵數千人首尾西方遜討破布

凱晉書王濬傳濬造船于蜀其木秭蔽江而下吳建平
太守吾彥取流秭以呈孫皓曰晉必有攻吳之計宜增
建平兵建平不下終不敢渡皓不從

吾彥傳及師臨境緣江諸城皆望風

降附或見攻而拔惟彥堅守大眾攻之不能克乃退初
舍禮之吳亡彥始歸降蓋兵力單弱吾彥僅能自守初

詔書使濬下建平受杜預節度至秭陵受王渾節度至
江陵謂諸將曰若濬得下建平則順流長驅威名已著

不宜令受制于我若不能克則無緣得施節度

中隔吳西陵建

平戌

守按吳建平郡又有信陵縣陸抗傳建衡二年大司

馬施績卒拜抗都督信陵夷道樂鄉公安諸軍事卽此

信陵

水經注江水注歸鄉縣北又東
逕信逕信陵縣南蓋秭歸南也吳志鍾離牧傳注

日牧子徇領兵拜偏將軍戍西陵與監軍使者唐盛
論地形勢謂宜城信陵爲建平援若不先城敵將先入
盛以施績留建平智略名將不云當城不然徇計後半
年晉果遣將修信陵城又潘璋傳權分宜都卽夷道史
家從後書
至秭歸二縣爲固陵郡拜璋爲太守此當不久並入宜
都郡

中廬

元和志襄州義清縣縣本漢中廬縣地西魏于此置義
清縣中廬故縣在今縣北二十里通典襄陽縣
漢中廬縣地水經注
中廬縣故城南有水出西山候水諸蠻北過是水南壅

維川以周田溉又汴水東歷軫鄉謂之軫水晉武帝平
吳割臨沮之北鄉中廬之南鄉立上黃縣治軫鄉吳志
建安二十五年魏將梅敷使張儉求見撫納南鄉陰鄧
筑陽山都中廬五縣民五千家來附朱然傳赤烏五年
征柤中九年復征柤中注襄陽記曰柤中在上黃界去襄陽一百五十里魏時夷王梅敷兄弟三人部曲萬餘家屯此分布在中廬宜城西山鴈沔二谷中土地平敞宜桑麻有水陸良田沔南之膏腴沃壤謂之柤中晉書石虎載記遺其征虜石遇寇中廬遂圍桓宣于襄陽輔國將軍毛寶征西司馬王愷期等率荊州之眾救之屯于章山遇飢疫而還

編

按當在荊州當陽縣北寰宇記荊門軍長林縣晉安帝

隆安五年刺史桓玄立武寧郡于故編縣城其屬有長

林縣

舊唐志晉分編縣置長林縣

水經注漳水東南流屈西南逕編

縣南縣舊城之東北百四十里也西南高陽城移治許

茂故城

漢編縣即今荊門州西高陽城晉隆安中東北移百四十里即今南漳縣之許茂城城南

臨漳水

晉書桓玄傳移沮漳蠻二千戶于江南立武寧郡

當陽

通典荊州當陽縣漢舊縣有綠林山水經注當陽故城

因岡爲阻北枕沮川其故城在東百四十里謂之東城

在綠林長阪南長阪即張翼德橫矛處也沮水又東南

逕驢城西

劉昭注本訛爲廬

磨城東又南逕麥城西諺云東驢

西曆麥城自破又沔水自荊城東南流逕當陽縣之章

山東

吳志陳表傳陸遜拜表偏將軍北屯章阮章阮當是章山

山上有故城太尉陶

侃伐杜曾所築沔水又東右會權口蜀志曹操以江陵

有軍實恐先主據之乃釋輜重輕軍到襄聞先主已過

將精騎五千急追之一日一夜行三百餘里及于當陽

之長坂

趙雲別傳曰先主之敗有人言雲已北去者先主以手鼓櫓之日子龍不奔哉走也頃之雲至

華容

通典荊州石首縣復州監利縣皆漢華容縣水經注夏

水自華容縣東北逕成都郡故城南晉永嘉中西蜀阻

亂割華容諸城爲成都王穎國

按晉志割南郡之華容州陵監利三縣別立豐

都合四縣置成都郡爲成都王穎國居華容
縣愍帝建興中併還南郡併豐都于監利又東逕監

利縣南晉武帝太康五年立
州郡志云太康元年復立疑先是吳所立縣土

卑下降澤多陂池西南自州陵東界逕于雲杜沌陽爲

雲夢之藪矣魏安志建安十三年注曰公船艦爲備所

燒引軍從華容道步歸遇泥濘道不通天又大風悉使

羸兵負草填之騎乃得過羸兵爲人馬所踏藉死者甚

眾軍旣得出公大喜諸將問之公曰劉備吾儔也但得

計少晚向使早放火吾徒無類矣備尋亦放火而無所

急及吳志孫桓傳吳書曰擢爲武衛都尉從討關羽于

華容誘羽黨得五千餘人牛馬器械甚眾通鑑元興三

年立死桓謙匿於沮中楊武將軍桓振匿于華容

史

武帝紀 于華容之涌中 立故將王稚徽戍巴陵遣人報振云桓歆

已克京馮稚復克尋陽劉毅諸軍並中路敗退振大喜

歆黨得二百人襲江陵

水經注江水右逕陽岐山北山枕大江山東有城故華容縣舊

治晉書張光傳江夏太守陶侃與陳敏大將錢端相拒于長岐將戰襄陽太守皮初為步軍使光設伏以待之

武陵太守苗光為水軍藏舟艦于沔水皮初等與賊交戰光發伏兵應之水陸同奮賊眾大敗按長岐當即陽岐也

寰宇記陽岐山在晉石首縣西一百步范立平記云故老相承以本縣境無山置此山上計偕簿劉郎浦

在大江北

襄陽

元和志襄州襄陽縣本漢舊縣

襄陽去江陵陸道五百里勢同輔車無襄陽則

江陵受敵自東晉庾翼為刺史將事檀溪在縣西南初
北伐遂鎮襄陽北接宛洛跨對樊沔

梁高祖鎮荆

荆當為雍

聞齊主崩令蕭遙光等五人輔政謂

之五貴

五當為六此校刻者寡學故

歎曰政出多門亂其階矣潛造

器械多砍伐竹木沈于檀溪為舟裝之備參軍呂僧珍

獨悟其旨亦私具櫓數百張及義師起乃取檀溪竹木

裝戰艦諸將爭櫓僧珍每船付二張事克集今溪已涸

非其舊矣

魏志景初元年分襄陽之臨沮宜城旃陽印四縣置襄陽南部都尉又分襄陽郡之郗葉

縣屬義陽郡按晉志

南郡有旌陽縣魏志樂進傳討劉備臨沮長柱舊旌陽長梁太則旌陽漢末所立隋志梁

置旌陽于樂鄉則

水經注城北枕沔水沔水又逕峴山舊旌陽亦在郢縣

東上山有桓宣所築城

晉書桓宣傳宣與李陽平襄陽侃使宣鎮之以其淮南部曲立

義成郡丹水之敗庾翼貶宣爲建威將軍使移戍峴山
按州郡志義成郡晉孝武在治襄陽則非陶侃桓宣時
也未知孫堅死于此吳志孫堅圍襄陽單馬行沔水又
孰誤

東南逕蔡洲漢長水校尉蔡瑁居之有回湖停水數十

畝東入習郁魚池郁依范蠡養魚法作大陂又作石洑

逗引大池水于宅北作小魚池甘卓傳王敦求臺騶虞

陽太守周慮等密承敦意詐言湖中多魏志曹仁傳孫
魚卓遣左右皆捕魚乃襲害卓于寢也

權遣將陳邵據襄陽詔仁討之仁與徐晃攻破邵遂入

襄陽陸遜傳嘉禾五年權北征使遜與諸葛瑾攻襄陽

遜遣親人韓扁齎表奉報還遇敵于沔中鈔邏得扁瑾

聞之甚懼書與遜云大驚已旋賊得韓扁具知吾闊狹

且水乾當急去遜未答方催人種葑豆與諸將弈棋射戲如常瑾曰伯言多智略其當有以自來見遜遜曰賊知大駕已旋無所復戚得專力于吾且當自定施設變術然後出耳今便示退賊當得謂吾怖仍來相蹙必敗之勢也乃密與瑾立計令瑾督舟船遜悉上兵馬以向襄陽城敵素憚遜遽還赴城瑾便引船出遜徐整部伍步趨船敵不敢干晉書杜預傳預旣至鎮簡精銳襲吳西陵督張政大破之政吳之名將也據要害之地恥以無備取敗不以所喪之實告于孫皓預欲間吳邊將乃表其所獲之眾于皓皓果召政還以武昌監劉憲代之

帝紀及王濬傳俱作留憲爲是

大軍將至使其將帥移易以成傾蕩之

勢朱序傳寧康初鎮襄陽符堅遣其將苻丕等率眾圍

序序固守賊糧將盡率眾苦攻之初苻丕來攻序母韓

自登城履行謂西北角當先受弊遂領百餘婢并城中

女丁於其角斜築城二十餘丈賊攻西北角果潰眾便

固新築城丕遂引退襄陽人謂此城爲夫人城督護李

伯護密與賊相應襄陽遂沒

庾翼傳翼遷鎮襄陽舉朝謂之不可議者或謂避衰

唯兄冰

通鑑義熙十一年太尉裕使參軍檀道濟朱超

石將步騎出襄陽江夏太守劉虔之將兵屯三連立橋

聚糧以待道濟等積日不至魯軌襲擊虔之殺之趙倫

之沈林子破魯軌于石城司馬休之魯宗之救之不及
 遂與軌奔襄陽宗之參軍李應之閉門不納休之等俱
 奔秦宋書劉道產傳道產善于臨民在雍部政績尤著蠻夷前後叛戾不受化者並皆順服悉出緣沔為居百姓樂業民戶豐贍由此有襄陽樂歌自道產始

即

元和志襄州宜城縣本漢即縣地城東臨漢江古諺曰
 即無東言其東臨漢江其地短促也宋孝武大明元年
 以胡人流寓者立華山郡理之州郡志今治大堤後魏改為宜
 城水經注沔水之左有騎城即誤為騎迴周二里餘高一丈
 六尺即騎亭也沔水又南得木里水會楚時于宜城東

穿渠上口去城三里漢南郡太守王寵又鑿之引蠻水灌田謂之木里溝逕宜城東而東北入于沔謂之木里水口也又犁丘城在觀城西二里光武遣南征岑彭擊豐朱祐白觀城擒豐于犁丘是也

宜城

通典漢宜城縣在今襄州宜城縣南

元和志縣南九里寰宇記大隄城今

縣夷水導源中廬縣康狼山厯宜城西山謂之夷溪東南流與零水合卽沔水也上通梁州沒陽縣之默城山

司馬懿出沮之所由東厯宜城西山謂之沔溪東流合

于夷水謂之沔口

通鑑永嘉四年太傅越以羽檄徵天下兵荊州刺史王澄自將欲援京師

至汴口聞山簡敗眾散還王澄傳澄率眾軍赴國難會
王如寇襄陽澄前鋒至宜城遣使詣山簡為如黨嚴疑
所獲疑偽使人從襄陽來而問之曰襄陽拔未答曰乍
旦破城已獲山簡乃陰緩澄使令得亡去澄聞襄陽陷
以為信然縣有太山山下有廟漢末名士居其中刺史
散眾而還二千石卿長數十人朱軒華蓋同會于廟下荊州刺史
行部見之雅歎其盛號為冠蓋里刻石銘之

郡

元和志襄州樂鄉縣漢都縣地

州郡志漢舊縣作若字
晉太康地志作都如彼

文則此郡
當為若

晉安帝于此置樂鄉縣屬武陵郡

寰宇記開
寶五年割

樂鄉縣合長林縣屬荆門
單舊唐志樂鄉漢都縣

水經注沔水逕都縣故城南

縣南臨沔津津南有石山下有古烽火臺縣北有大

城楚昭王徙都之

魏志文聘傳攻關羽輜重于漢津燒其船于荊城此荊城當卽都縣北之

楚故城

臨沮

通典襄州南漳縣漢臨沮縣故城在今荊州當陽縣北

舊唐志峽州遠安縣漢臨沮縣地

元和志臨沮隋改爲南漳祖山在縣東北

一百里水經注漳水又南歷臨沮縣之章鄉南昔關羽保

麥城詐降而遁

通鑑立幡旗爲象人于城上因遁走

潘璋斬之于此吳志

潘璋傳璋與朱然斷羽走道到臨沮住夾石璋部下司

馬馬忠禽羽并羽子平都督趙累等

枝江

通典荊州枝江縣漢舊縣水經注江水又東逕上明城
北晉太元中符堅之寇荊州也刺史桓沖徙渡江南使
劉波築之移州治此城晉書桓沖傳時符堅強盛沖欲
荊州所鎮隨宜迴轉臣亡兄溫以石季龍死經略中原
因江陵便即而鎮之事與時遷勢無常定且兵者詭道
示之以弱今宜全重江南輕戍江北南平孱陵縣界地
名上明田土膏良可以資業軍人在吳時樂鄉城以上
四十餘里北枕大江西接三峽若狂狡送死則舊郢以
北堅壁不戰接會濟江路不去遠乘其疲墮撲翦爲易
臣輒隨宜處分于是移鎮其地夷敞北據大江江汜枝
上明使冠軍劉波守江陵
分東入大江縣治洲上故以枝江爲稱盛弘之曰縣舊
治沮中後移出百里洲西去郡百六十里縣左右有數
十洲百里洲最大中有桑田甘果映江依洲自縣西至

上明東及江津其中有九十九洲諺云洲不百不出王者桓立有間鼎之志乃增一洲以充百數僭號數旬宗滅身屠及其傾敗洲亦消毀今上在西忽有一洲自生

未幾龍飛江漢矣

今上謂宋文帝此本盛弘之語

縣東北十里上臺北

岸有迤洲長十餘里義熙初烈武王斬桓謙處縣有陳留王子香廟頌稱子香于漢和帝時爲荊州刺史有惠政天子徵之道卒枝江亭中常有三白虎出入人間送喪踰境永元十八年立廟刻石號曰枝江白虎王君其子孫至今猶謂之白虎王晉書毛寶傳庾亮西鎮請爲輔國將軍江夏相鎮上明

通典荊州松滋縣西有上明城舊唐志松滋縣漢高城縣

地按此則後漢以高城併入枝江也又州郡志南河東郡松滋縣疑有流民寓荆土故立規傳盧循以苟林爲南蠻校尉分兵配之使乘勝伐江陵揚聲云徐道覆已克京邑而桓謙自長安入蜀與譙縱大將譙道福俱寇江陵正與林會林屯江津謙軍枝江二寇交逼分絕都邑之間荆楚旣桓氏義舊並懷異心道規乃會將士告之曰桓謙今在近圻聞者頗有去就之計吾東來文武足以濟事若欲去者本不相禁因夜開城門達曉不開眾咸憚服莫有去者雍州刺史魯宗之率眾數千自襄陽來赴或謂宗之未可測道規單馬迎之宗之感慨乃使宗之居守委以腹心自率諸軍

攻謙諸將佐固諫曰今遠出討謙其勝難必苟林近在江津伺人動靜若來攻城宗之未必能固脫有差跌大事去矣道規曰諸君不識兵機耳苟林愚豎無他奇計以吾去未遠必不敢向城吾今取謙往至使克沈疑之間已有還反謙敗則林破膽豈暇得來且宗之獨守何爲不支數日解南蠻校尉印以授咨議參軍劉遵馳往攻謙水陸齊進謙大敗單舸走欲下就林追斬之還至浦口

通鑑作浦口

林又奔散劉遵追林至巴陵斬之初謙至

枝江江陵士庶皆與謙書言城內虛實謀爲內應至是參軍曹仲宗檢得之道規悉焚不視衆于是大安晉書

夷道

毛璩傳璩傳檄遠近列立罪狀遣巴東太守柳約之建平太守羅述征虜司馬甄季之擊破桓希進軍到枝江而桓振復攻沒江陵約之詣振偽降因欲襲振事泄被

害

劉昭注引史記破楚屈句取丹陽按秭歸爲楚熊繹所都之丹陽枝江爲楚徙都之丹陽前人言之悉矣

以楚世家攷之十七年春與秦戰丹陽秦大敗我軍遂取漢中之郡屈原傳大破楚師于丹淞虜楚將屈句遂取楚之漢中地索隱望文知其非秭歸枝江之丹陽故云此丹陽在漢中愚謂此丹陽在丹水之北與原傳所謂丹淞者可證丹水出上洛逕流丹水南鄉二縣間爲秦楚戰地何緣至江峽間乎劉昭之愚陋如此

通典峽州宜都縣漢夷道縣故城在今縣西水經注桓

溫父名夷改曰西道

按此則夷陵亦應爲西陵宜都縣治在夷道縣

東四百步故城吳丞相陸遜所築爲二江之會北有湖
里淵淵上橘柚蔽野桑麻閭日西望佷山諸頂重峰疊
秀有女觀山厥處高顯回眺極目蜀志劉封傳蜀平後
以孟達爲宜都太守吳志陸遜傳與呂蒙克公安南郡
遜徑進領宜都太守樊友委郡走韓當傳宜都之役與
陸遜朱然等共攻蜀
軍于涿鄉
大破之通鑑黃初三年漢主自秭歸將進擊吳治中從事
黃權諫曰吳人悍戰而水軍沿流進易退難臣請爲先
驅以當寇陛下宜爲後鎮漢主不從以權爲鎮北將軍
使督江北諸軍自率諸將自江南緣山截嶺軍于夷道
猗亭自巫峽建平連營至夷陵界立數十屯以馮習爲

大督張南爲前部督

魏志帝謂羣臣曰備不曉兵豈有七百里營可以拒敵者乎苞原隰

險阻而爲軍者爲敵所禽此兵忌也

自正月與吳相拒至六月不決漢主

遣吳班將數千人于平地立營吳將帥皆欲擊之陸遜曰此必有譎且觀之漢主知其計不行乃引伏兵八千從谷中出遜曰所以不聽諸君擊班者揣之必有巧故也遜上書曰夷陵要害國之關限雖爲易得亦復易失失之非徒損一郡之地荊州可憂今日爭之當令必諧臣初嫌備水陸俱進今反捨船就步處處結營察其布置必無他變伏願至尊高枕不以爲念閏月遜將進攻漢軍諸將並曰攻備當在初今乃令入五六百里相守

經七八月其諸要害皆已固守擊之必無利矣遜曰備是猾虜更嘗事多其軍始集思慮精專未可干也今住已久不得我便兵疲意沮計不復生犄角此寇正在今日乃先攻一營不利諸將皆曰空殺兵耳遜曰吾已破曉之之術乃敕各持一把茅以火攻拔之一爾勢成通

率諸軍同時俱攻斬南張南馮習及胡王

胡當為蠻

沙摩柯

等首破其四十餘營漢將杜路劉寧等窮逼請降舟船

器械水步軍資一時略盡尸骸塞江而下漢主大慙恚

曰吾乃爲陸遜所折辱豈非天耶

陸遜傳初孫桓別討備前鋒于夷道爲備

所圍求救于遜遜曰未可諸將曰孫安東公族見圍已困奈何不救遜曰安東得士眾心城牢糧足無可憂也

待我計展欲不救安東安東自解及才略大施備果奔
潰桓後見遜日前實怨不見救定至今日乃知譎度自
有方耳晉書王濬傳克荆門夷道二城獲監軍陸晏

夷陵

通典峽州夷陵縣漢舊縣州郡志吳改曰西陵

章懷注故城在

今縣西北水經注江水自建平至東界峽盛弘之謂之空舸

峽峽甚高峻卽宜都建平二郡界也江水東逕流頭灘

江水又東逕宜昌縣北分夷道恨山所立也

州郡志宜昌都有宜昌

縣何志云縣治江之南岸與夷陵對界宜都記曰渡頭

流灘十里便得宜昌縣江水又東逕狼尾灘而歷人灘

隋書楊素傳軍至流頭灘陳將戚欣以青龍百餘艘守狼尾灘以過軍路其地險峭諸將患之是也袁山

松曰二灘相去二里人灘水至峻峭江水又逕黃牛灘南岸重嶺疊起最外高厓間有石色如人負刀牽牛人黑牛黃宜都記曰自黃牛灘東入西陵界至峽口百許里江水出峽東南流逕故城洲洲北岸洲頭曰郭洲長二里廣一里上有步闌故城闌爲西陵督據此城降晉江水又東逕故城北所謂陸抗城也北對夷陵縣故城縣北三十里有石穴名曰馬穿通鑑陸遜攻漢主升馬鞍山陳兵自繞胡三省曰夷陵縣有馬鞍山馬鞍當卽此馬穿江水又東歷荆門虎牙之間楚之西塞也岑彭破公孫述將任滿田戎處魏志王基傳隨征南王昶擊吳基別襲步協于夷陵協閉門自守基示以攻形而實分

兵取雄父邸閣收米三十萬斛虜安北將軍譚正納降

數千口於是移降民置夷陵縣

司馬彪戰略曰景元二年襄陽太守胡烈表上

吳賊鄧由李光等十八屯欲來歸化令郡軍臨江臨迎

按基疑賊詐降誘致官兵馳驛止文王說由可疑之狀

曰夷陵東道當由車御至赤岸乃得渡沮西道當出箭

溪口乃趣平土皆山險狹竹木叢蔚卒有要害弩馬不

陳此事之危者吳志陸抗傳鳳皇元年西陵督步闡據

也由等果不降

城遣使降晉抗聞之曰部分諸軍令將軍左奕吾彥蔡

貢等徑赴西陵敕軍營更築嚴圍自赤溪至故市內以

圍闌外以禦寇

按赤谿卽王基所云赤岸內以圍闌者也故市水經注江水右合油口東逕公

安縣北又東得故市口此則外以禦寇者也蓋樂鄉抗所鎮在公安之北以防晉軍向江陵軼出犯樂鄉也

晝夜催切如敵以至眾甚苦之諸軍咸諫曰今及三軍

之銳亟以攻闡比晉救至闡必可拔何事于圍而以弊
士民之力乎抗曰此城勢固糧足繕修備禦之具皆抗
所宿規今反身攻之旣非可卒克且北救必至至而無
備表裏受難何以禦之諸將咸欲攻闡抗每不許宜都
太守雷譚言至懇切抗欲服眾聽令一攻攻果無利圍
備始合晉車騎將軍羊祜帥師向江陵諸將咸以抗不
宜上抗曰江陵城固兵足無所憂患南岸旣防守固則江陵孤城難守
假令敵沒江陵必不能守所損者小如使西陵槃結則
南山羣夷皆當擾動則所憂慮難可而言吾甯奔江陵
而赴西陵況江陵牢固乎初江陵平行道路通利抗勅

江陵督張咸作大堰遏水漸漬平中以絕寇叛祐欲因
所遏水浮船運糧揚聲將破堰以通步軍抗聞使咸亟
破之諸將皆惑屢諫不聽祐至當陽聞堰敗乃改船以
車運大費損功力晉巴東監軍徐胤率水軍詣建平荆
州刺史楊肇至西陵抗令張咸固守其城公安督孫遵
巡南岸禦祐水軍督留慮慮與憲未
知誰爲誤鎮西將軍朱琬拒
胤身率三軍憑圍對肇將軍朱喬營都督俞贊亡詣肇
抗曰贊軍中舊吏知吾虛實者吾嘗慮夷兵素不簡練
若敵攻圍必先此處卽夜易夷民皆以舊將充之明日
肇果攻故夷兵處抗命旋軍擊之矢石雨下肇眾傷死

者相屬至經月計屈夜遁抗但鳴鼓戒眾若將追者肇
眾凶懼悉解甲挺走使輕兵躡走肇大破敗祐等皆引
軍還抗遂陷西陵城誅夷闡族東還樂鄉貌無矜色晉
書上濬傳吳人于江磧要害之處並以鐵鎖橫截之又
作鐵錐長丈餘暗置江中以距逆船先是羊祜獲吳間
諜具知情狀濬乃作大筏數十縛草爲人被甲持仗善
水者以筏先行筏遇鐵錐錐輒著筏去又作火炬長十
餘丈大數十圍灌以麻油在船前遇鎖然炬燒之須臾
融液斷絕于是船無所礙剋吳西陵獲其鎮南將軍留
憲等毛璩傳桓振遣桓放之爲益州刺史屯西陵涪陵

太守文處茂拒擊破之

元和志下牛鎮在夷陵縣西二十七里寰宇記爾雅臺郭璞注

爾雅于此

州陵

按其地當在唐鄂州蒲圻縣西

州郡志晉太康元年復立州陵縣疑是吳所省

宋孝建初度屬巴陵郡

水經注江之右岸石子岡岡上卽州陵郡

故城莊辛所言左州侯國矣港水東南流注于江謂之

洋口南對龍穴洲沙陽洲之下尾也洲裏有駕部口宋

景平二年迎文帝于江陵法駕頓此因以爲名江水又

東右得聶口

佷山

舊唐志峽州長陽縣漢佷山縣隋改爲長陽

寰宇記故佷山縣城

在縣西六十五里

又巴山縣隋分佷山縣置水經注夷水卽佷

山清江也自沙渠縣入東逕難留城南城卽山也有石
室可容數百人每亂民入室避賊無可攻理因名難留
城夷水東逕佷山縣故城南南對長陽溪通鑑黃初三
年漢人自佷山通武陵使侍中馬良以金錦賜五溪諸
蠻夷授以官爵

補

當陽晉書毛寶傳與庾亮司馬王愆期等救桓宣于

章山擊賊將石遇破之桓宣傳鎮襄陽季龍使騎七千
渡沔攻之亮遣司馬王愆期輔國將軍毛寶救宣賊三

面爲地窟攻城宣募精勇出其不意殺傷數百多獲鎧
馬賊解圍退走據宣方鎮襄陽則此章山當卽水經注
當陽之章山也

彪志江夏竟陵有章山去襄陽甚遠非彼之章山

補襄陽魏志樂進傳從平荊州留屯襄陽擊關羽蘇非
等皆走之又討劉備臨沮長杜普旌陽長梁太皆大破
之蜀志先主遣使告劉璋曰樂進在青泥與關羽相拒
今不往救羽進必大克關羽傳先主收江南諸郡封拜
元勳以羽爲邊寇將軍襄陽太守駐江北與樂進相持
事當在吳旣克江陵借先主時青泥應在當陽臨沮二
縣界水經注青溪水出臨沮縣西青山青泥或青谿之

轉也

後漢書疏證卷十九

浙江書局刊

王拱辰校

嚴曾鑑校

宋元煦校